

Қазақстан Республикасында Тауар таңбасын (қызмет көрсету таңбасын) жалпыға мәлім деп тану жөніндегі нұсқаулықты бекіту туралы

Күшін жойған

Қазақстан Республикасының Әділет министрлігі Санаткерлік меншік құқығы жөніндегі комитет төрайымының 2002 жылғы 15 тамыздағы N 133 бұйрығы. Қазақстан Республикасы Әділет министрлігінде 2002 жылғы 23 тамызда тіркелді. Тіркеу N 1960. Күші жойылды - Қазақстан Республикасы Әділет министрінің м.а. 2010 жылғы 23 сәуірдегі N 136 Бұйрығымен

Ескерту. Күші жойылды - ҚР Әділет министрінің м.а. 2010.04.23 N 136 (алғаш ресми жарияланған күнінен кейін 10 күнтізбелік күн өткен соң қолданысқа енгізіледі) Бұйрығымен.

"Тауар таңбалары, қызмет көрсету таңбалары және тауарлар шығарылған жерлердің атаулары туралы" 1999 жылғы 26 шілдедегі Қазақстан Республикасының Заңын іске асыру мақсатында **БҰЙЫРАМЫН** :

1. Қазақстан Республикасында Тауар таңбасын (қызмет көрсету таңбасын) жалпыға мәлім деп тану жөніндегі нұсқаулық бекітілсін.
2. Өнеркәсіптік меншік саласындағы мемлекеттік саясатты қамтамасыз ету жөніндегі басқарма осы бұйрықтың мемлекеттік тіркелуін қамтамасыз етсін.

Төрайым

Әділет	Қазақстан	Республикасының
Санаткерлік	министрлігі	құқығы
жөніндегі	меншік	Төрайымының
2002	комитет	тамыздағы
жылғы	15	
N 133 бұйрығымен		
бекітілді		

Қазақстан Республикасында Тауар таңбасын (қызмет көрсету таңбасын) жалпыға мәлім деп тану жөніндегі нұсқаулық

1. Жалпы ережелер

1. Осы Нұсқаулық "Тауар таңбалары, қызмет көрсету таңбалары және тауарлар шығарылған жерлердің атаулары туралы" 1999 жылғы 26 шілдедегі Қазақстан Республикасының Заңы (бұдан әрі - Заң) 1-бабының 10)

тармақшасына сәйкес әзірленді және Өнеркәсіптік меншікті қорғау жөніндегі 1883 жылғы 20 наурыздағы Париж конвенциясының (бұдан әрі - Париж конвенциясы) 6bis және 10bis баптарына орай Қазақстан Республикасында тауар таңбасын, қызмет көрсету таңбасын (бұдан әрі - тауар таңбасы) жалпыға мәлім деп танудың тәртібі мен талаптарын белгілейді.

2. Осы Нұсқаулықтың мақсаттары үшін Қазақстан Республикасының аумағында тіркелген немесе таңбаларды халықаралық тіркеу туралы Мадрид келісіміне орай қорғалатын тауар таңбасы, сондай-ақ Қазақстан Республикасында тауар таңбасы ретінде құқықтық қорғаусыз пайдаланылатын, бірақ белсенді пайдаланылуы нәтижесінде Қазақстан Республикасында халықтың тиісті топтары арасында кең мәлім болған белгі жалпыға мәлім тауар таңбасы деп танылуы мүмкін.

3. Қазақстан Республикасы Әділет министрлігінің Санаткерлік меншік құқығы жөніндегі комитеті (бұдан әрі - Комитет) тауар таңбасын жалпыға мәлім деп тану жөніндегі құзыретті орган болып табылады.

2. Тауар таңбасын жалпыға мәлім деп тану туралы өтінім

4. Тауар таңбасын жалпыға мәлім деп тану туралы өтінімді (бұдан әрі - өтінім) Комитетке өз таңбасының жалпыға мәлім болуына үміткер тауар таңбасының иесі немесе оның тиісті өкілеттігі бар өкілі береді.

5. Өтінім бір тауар таңбасына қатысты болуға және онда:
тауарды жалпыға мәлім деп тану туралы өтініші;
тауар таңбасы иесінің аты немесе атауы;
оның тұрғылықты жерінің немесе орналасқан жерінің мекен-жайы;
хат жазысу үшін мекен-жайы;
тауар таңбасын құқықтық қорғау, соның ішінде Қазақстан Республикасында құқықтық қорғау туралы деректер;
өтініш берушінің пікірі бойынша таңба жалпыға мәлім болған күнді көрсету;
өтініш берушінің пікірі бойынша таңба соларға қатысты жалпыға мәлім болған тауарлар мен қызмет көрсетулердің тізбесін қамту тиіс.

6 . Ө т і н і м г е :

- 1) тауар таңбасының жалпыға мәлімділігін растайтын нақты мәлімет;
 - 2) тауар таңбасының 8x8 см көлеміндегі бес дана бейнесі;
 - 3) өтінім өкіл арқылы берілген жағдайда, сенімхат қоса тіркеледі.
- Өтініш беруге және сараптауға байланысты іс-әрекеттерді жүзеге асырғаны

үшін Қазақстан Республикасының заңдарына сәйкес ақы алынуы мүмкін. Бұл жағдайда берілген өтінішке тиісті ақы төленгенін растайтын құжат қоса берілуге тиіс.

7. Тауар таңбасының жалпыға мәлімділігін растайтын мәліметте тұтынушыларға сауал қоюдың нәтижелері мазмұндалуға тиіс. Тұтынушыларға сауал қоюды Қазақстан Республикасының аумағында мамандандырылған тәуелсіз ұйым жүргізеді. Сауал қою Астана және Алматы қалаларын қоса алғанда, Қазақстан Республикасының кемінде алты ірі елді мекендерін қамтуға тиіс. Сауал қойылғандардың жалпы саны үш мың адамнан кем болмауға тиіс. Бұл орайда бір елді мекендегі сауал қойылғандардың саны бес жүз адамнан кем болмауға тиіс. Сауал қойылғандардың ең көп саны шектелмейді. Сауал қою тұтынушылардың тиісті топтарының арасында жүргізіледі. Халық тұтынатын тауарлар үшін сауал қою "орташа" тұтынушылардың арасында (жыныс, жас, білім белгілері, әлеуметтік және материалдық жағдайы бойынша), сондай-ақ өнеркәсіп пен сауданың тиісті салаларының мамандары арасында жүргізіледі. Өндірістік-техникалық мақсаттағы тауарлар үшін сауал қою өнімнің осы түрінің тұтынушылары болып табылатын өндірістің, сауданың немесе өзге іскер топтар мамандарының арасында жүргізіледі. Тұтынушыға сауал қоюды жүргізген кезде одан тауар таңбасының өзіне мәлім екендігі, осы тауар таңбасы туралы тұтынушының қай жерде және қашан білгені, осы таңбаның қандай тауарларға пайдаланылатыны және өзінің осы тауарлардың тұтынушысы болып табылатыны не табылмайтыны туралы деректер алынуға тиіс.

Сауал қоюдың нәтижелерінен бөлек, тауар таңбасының жалпыға мәлімдігін растайтын мәліметтер, мысалы:

тауар таңбасын Қазақстан Республикасының аумағында үдемелі пайдалану туралы (нақты аумақты қамту, пайдалану мерзімдері);

тауар таңбасын пайдалану тәсілдері туралы;

тауарларды осы тауар таңбасымен сатудың көлемі және өткізу арналары туралы;

осы тауар таңбалары бар тауарларды тұтынушылардың жылдық орташа саны туралы;

тауар таңбасының құны туралы;

жылдық қаржылық есеп берулерге сәйкес тауар таңбасының жарнама үдемелілігі (бұқаралық ақпарат құралдарында, көрмелерде, жәрмеңкелерде) және жарнама шығындары туралы;

таңбаның бастапқы немесе кейіннен пайда болған айырым қабілеттілігінің дәрежесі туралы (бастапқыда айырым қабілеттілігі әлсіз болған таңбалар ұзақ және интенсивті пайдаланылу нәтижесінде айырымға қабілеттіліктің жоғары дәрежесіне ие бола алады);

сондай немесе ұқсас таңбаны үшінші тұлғаның пайдалануы, осындай пайдаланудың сипаты мен дәрежесі туралы;
лицензиаттардың, өндірушілердің, дистрибьюторлардың, импортқа шығарушылардың, сатушылардың саны туралы;
тауар таңбасының жергілікті, аймақтық, көрші мемлекеттерде, әлемге мәлім болу дәрежесі туралы;
тауар таңбасының шетелдерде тіркелуінің болуы туралы;
өзге де мәліметтер болуы мүмкін.

8. Тауар таңбасының бейнесі көшіріп-көбейту үшін жарамды болуға тиіс. Тауар таңбасының бейнесі ретінде заттаңба ұсынылуы мүмкін. Егер бейне көлемді (үш өлшемді) болса, жалпы түрдің бейнесі, сондай-ақ ол туралы егжей-тегжейлі түсінік беретін басқа қажетті проекцияның бейнесі ұсынылады. Бейне тауар таңбасының жалпыға мәлімдігі сұралатын бояулы түсте немесе бояулы түс үйлесімінде ұсынылады.

3. Өтінімді сараптау және ол туралы мәлімет жариялау

9. Комитет өтінім берілген күннен бастап екі ай ішінде осы Нұсқаулықтың 5 және 6-тармақтарында белгіленген қажетті құжаттардың бар-жоғын тексереді, өтініш берушіге өтінімнің қарауға қабылданғаны туралы хабарлайды және ол туралы мәліметтерді таныстыру мен үшінші тұлғалар тарапынан болуы ықтимал қарсылықтар үшін жариялайды.

Қосымша материалдарды Комитет сұранысы бойынша не осы мерзімде ұзарту туралы өтінішті тапсырмаған жағдайда осы құжаттарды ұсынуда іс жүргізу тоқтатылып, өтінім кері қайтарып алынған болып есептеледі.

Жарияланған күннен бастап үш ай өткенде Комитет өтінімді қоса беріліп отырған таңбаның жалпыға мәлімділігін растайтын барлық материалдарды талдай отырып қарайды. Белгіленген мерзім өткеннен кейін Комитет қарауды алты ай ішінде жүргізеді. Қажет кезінде өтініш берушіден таңбаның Қазақстан Республикасында жалпыға мәлімділігін растайтын қосымша мәлімет сұратылуы мүмкін.

Өтінімді қарау аяқталғанға дейін өтініш беруші өтінім материалдарын түзетуге, толықтыруға және нақтылауға құқылы.

Үшінші тұлғаның тарапынан қарсылық болған жағдайда өтініш берушіге тиісті хабарлама жіберіледі, өтініш беруші оған пікірін өтінімді қарау нәтижесі бойынша қорытынды шығарылғанға дейін ұсына алады.

10. Өтінімді қарау нәтижесі бойынша Комитет тауар таңбасының иесіне жіберілетін, тауар таңбасын жалпыға мәлім деп тану туралы не ондай деп

танудан бас тарту туралы шешім қабылдайды.

Тауар таңбасын жалпыға мәлім деп тану туралы шешімде:
тауар таңбасының жалпыға мәлім тіркеу нөмірі;
таңба жалпыға мәлім деп танылған күн;
жалпыға мәлім тауар таңбасының бейнесі;
оның иесінің аты немесе атауы, оның тұрған жері немесе тұрғылықты жері;
тауар таңбасының жалпыға мәлім деп танылуына қатысты тауарлар мен
қызмет көрсетулердің тізбесі қамтылуы тиіс.

Егер өтініш беруші ұсынған нақты мәліметте таңбаның жалпыға мәлім болуының өтінімде көрсетілгеннен өзге күн екендігі расталса, тауар таңбасы нақты күннен бастап жалпыға мәлім деп танылуы мүмкін.

Тауар таңбасын жалпыға мәлім деп танудан бас тарту туралы шешім, егер:
өтініш беруші ұсынған мәлімет тауар таңбасының жалпыға мәлімділігін
растамаса немесе тауар таңбасының жалпыға мәлімділігін тану үшін жеткіліксіз
б о л с а ;

өзінің тауар таңбасын жалпыға мәлім деп тануға өтініш берген күннен
неғұрлым ертерек басымдығы бар, қорғалатын немесе бір тектес тауарларға
қатысты өзге тұлғаның атына мәлімделген, өтініш берушінің тауар таңбаларымен
аралас дәрежеге дейін бірдей немесе ұқсас тауар таңбасы болса шығарылады.

Комитеттің осы тармақтың 1 абзацында көрсетілген шешіміне сотқа шағым
жасалуы мүмкін.

11-1. Жалпыға белгілі тауар таңбасына (қызмет көрсету белгісіне) сертификат
беру үшін Қазақстан Республикасының салық заңнамасына сәйкес мемлекеттік
б а ж а л ы н а д ы .

Мемлекеттік баждың төленгенін растайтын құжат уәкілетті органға жалпыға
белгілі тауар таңбасына (қызмет көрсету белгісіне) берілетін сертификат
берілгенге дейін ұсынылады.

**Ескерту: 11-1-тармақпен толықтырылды - ҚР Әділет министрлігі Зияткерлік
меншік құқығы комитеті Төрайымының 2005 жылғы 30 желтоқсандағы N 71-НҚ
бұйрығымен (қолданысқа енгізілу тәртібін 4-тармақтан қараңыз).**

4. Қазақстан Республикасында жалпыға мәлім тауар таңбаларын Мемлекеттік тізілімге енгізу және олар туралы мәліметтер жариялау

11. Жалпыға мәлім деп танылған тауар таңбасы, Қазақстан Республикасында
жалпыға мәлім тауар таңбаларының Мемлекеттік тізіліміне (бұдан әрі -
М е м т і з і л і м) е н г і з і л е д і .

Комитет жалпыға мәлім тауар таңбасының иесіне он жыл ішінде қолданыста

болатын, белгіленген үлгідегі сертификат береді. Сертификаттың қолданылу мерзімі иесінің өтініші бойынша және өтініш берген сәттегі тауар таңбасының жалпыға мәлімдігін растайтын мәлімет ұсынылған жағдайда осы Нұсқаулықпен белгіленген тәртіпке сәйкес әрбір он жыл сайын ұзартылуы мүмкін.

12. Тауар таңбасын Қазақстан Республикасында жалпыға мәлім деп тану туралы, сертификаттың қолданылу мерзімін ұзарту туралы мәлімет "Өнеркәсіп меншігі-Промышленная собственность" ресми бюллетеньде жарияланады.

13. Жалпыға мәлім тауар таңбаларын құқықтық қорғау:

1) тіркеудің қолданылу мерзімі аяқталуына байланысты;

2) үшінші тұлғалардың өтініші бойынша тауар таңбасының жалпыға мәлімдік мәртебесін жоғалтуына байланысты;

3) тауар таңбасын жалпыға мәлім деп тану туралы шешімі жойылған жағдайында тоқтатылады.

Жалпыға мәлім тауар таңбасын құқықтық қорғау тоқтатылғаны туралы мәлімет Мемтізілімге енгізіледі және ресми бюллетеньде жарияланады.